

Штатут конкурзу

Выголошователь конкурзу: Округлый стіл Русинів Словенська

Назва конкурзу: Конкурз о найкрасшу фотографію русиньского села

Замір конкурзу:

Округлый стіл Русинів Словенська выголосив 2020-ый рік за Рік русиньского села. В рамках той ініціативы выголосив конкурз о найкрасшу фотографію русиньского села, котра буде проходити в 2020-ім році.



РІК РУСИНЬСКОГО СЕЛА ♦ ROK RUSÍNSKEJ DEDINY

Його цілём є мотивовати членів русиньской народностной меншыны на Словакії, жебы ся запоїли до конкурзу і посередництвом конкурзных фотографій одпрезентовали природны, матеріалны ці історічны памятки і інтересноти выбраного села, в котрім жые численна комуніта членів русиньской народностной меншыны. Посередництвом конкурзу хоче выголошователь мотивовати Русинів на Словакії, жебы ся єдночасно приголосили ку своїм коріням і походжіню. Позітівным выступом конкурзу буде єдночасно пропагация нелем векшых і успішных русиньских сел, но єднако так і меншых і менше знамых сел і їх інтересностей, котры так само заслужать собі інтерес сполочности. Звернутя увагы на русиньскы села на теріторії Словакії має быти єдночасно перепоене із слідуючім переписом населіня на теріторії Словацькой републікы у 2021-ім році.

Правила конкурзу:

1. Вшыткы фотографії, котры будуть до терміну загнаны, **будуть публікованы** і на офіціалній сторінці Округлого стола Русинів Словенська на соціалній сіті Facebook з назвов Русины на Словакії / Rusíni na Slovensku.
2. Конкурз буде проходити в **пятьох етапах**. В першых штирьох етапах будуть проходити частковы змаганя заміряны на штири річны періоды. До **пятой етапы – фінале**, поступлять з каждого часткового змаганя штири фотографії. Три фотографії до фінале выберають членове пороты і четвертов буде фотографія, котра в голосованю на сторінці на соціалній сіті Facebook здобуде в точно становленім терміні найвекшу кількість „*Любить ся мі то*“.
3. В рамках конкурзу є зряджена **тричленна порота**, в котрой складі суть фаховці з области умелецькой фотографії. Задачов пороты буде выбрати три фотографії з каждого річного періоду, котры будуть сповняти фаховы крітерії якостной умелецькой фотографії. У фінале буде порота спомеджі найліпшых фотографій окремых етап выберати **три ТОП фотографії**.
4. Авторы трьох вітязных фотографій і найпопулярнішой фейсбуковой фотографії **здобудуть матеріалну ціну**.
5. **Условії про запоїня ся до конкурзу** о найкрасшу фотографію русиньского села:
 - а. фотографія мусить быти мінімално в якости 1920 x 1080 пікселів
 - б. в часі посланя до конкурзу не сміє быти старша як три роки
 - в. в єднім файлі може быти лем єдна фотографія (жадны колажы)
 - г. не сміють ся хосновати рамы, графічны елементы ани видительны маніпулації образу
 - г. на фотографії не сміють быти текстовы елементы, напр. мено фотографа або соруґіght водознак
 - д. Мала бы захопльовати конкретне русиньске село на Словакії, припадно його хотарь, природу, історічны памятки, людей і под. (вшытко, што про автора повязане з русиньськым селом)
 - е. фотографію треба загнати мейлом на fotosutaz@rusyny.org
 - є. ку приголошеній фотографії треба написати:

I. што конкретно є на фотографії захоплене, о котре село іде (припадно назва фотографії)

II. коли была фотографія зроблена

III. хто є автором фотографії у форматі мено і призви́ско

IV. згога зо спрацованьом особных данных про потреби конкурзу

ж. до конкурзу може быти загнана фотографія, котра іщі дотепер не была оцінена в жаднім іншій фотографічній конкурзі

з. До конкурзу будуть зареєстрованы лем фотографії, котры будуть посланы на становлену імейлову адресу зо вшыткыма высше споминаныма условіямы. За конкурзны фотографії не будеме акцептовати фотографії в коментарях під статусами або в справах на сторінці на соціалній сіті Facebook.

6. Членами фаховой пороты суть довгорічны фотографы:



Ян Штовка – умелецькый фотограф з русиньскыма корінямы в селі Рошківці. Має найвысшый европскый тітул про професіональных фотографів, котрый передавать Federation of European Photographers /FEP,/ підпреседа Асоціації професіональных фотографів СР /APFSR/, лавреат множества оцінінь. Творы публікованы в Европі, Америці, Австралії і Азії, лекції на меджінародных фотографічных форумах. Занимає ся головно комерчнов, театралнов, портретовов і крайннов фотографійов.

Кінцьом 2019-го року представив свій остатній проєкт „rock na dzedzine” у співпраці з ФК Шарішан і множеством знамых словацькых умелців.

<https://www.facebook.com/jano.stovkafotograf>



Станіслав Мігалик – член Асоціації професіональных фотографів СР, має професіональний ательєр в Пряшові. Занимає ся комерчнов, портретовов, родиннов і крайннов фотографійов. Як член пороты – судій, репрезентує Словакію на World Photographic Cup. Організує выставкы і освіту в области фотографії і робить лектора на Універзіті третього віку. Інтензівно занимає ся реалізаційов умелецького друкованя фотографій і выробов образів.

<https://www.facebook.com/fac.presov/>



Ян Салонь – успішний і дакілько титулами оцінений фотограф з русиньского села Орябина. Коло свадбляной фотографії займає ся фотографованьом вже 11 років. Як сам говорить, ку фотографованю го привела краса нашого навколишнього світа і має того щастя, же го дні з фотоапаратом наповнюють.

<https://jansalonfotograf.sk/>

Часовый гармонограм конкурзу:

20. май 2020	Выголошіня конкурзу про річний період ярь
20. май – 10. юн 2020	Збераня фотографій – Етапа ярь
10. юн 2020 – 20. юн 2020	Публікованя фотографій на FB і пороті, голосованя за найкрасшу фотографію русиньского села – ярь
20. юн 2020	Выголошіня 4-ох поступаючіх
1. юл 2020	Выголошіня конкурзу про річний період літо
1. юл 2020 – 15. август 2020	Збераня фотографій – Етапа літо
15. август 2020 – 30. август 2020	Публікованя фотографій на FB і пороті, голосованя за найкрасшу фотографію русиньского села – літо
30. август 2020	Выголошіня 4-ох поступаючіх
15. септембер 2020	Выголошіня конкурзу про річний період осінь
15. септембер 2020 – 30. октобер 2020	Збераня фотографій – Етапа осінь
30. октобер 2020 – 14. новембер 2020	Публікованя фотографій на FB і пороті, голосованя за найкрасшу фотографію русиньского села – осінь
14. новембер 2020	Выголошіня 4-ох поступаючіх
30. новембер 2020	Выголошіня конкурзу про річний період зима
30. новембер 2020 – 14. януар 2021	Збераня фотографій – Етапа зима
14. януар 2021 – 28. януар 2021	Публікованя фотографій на FB і пороті, голосованя за найкрасшу фотографію русиньского села – зима
28. януар 2021	Выголошіня 4-ох поступаючіх
4. фебруар 2021 – 18. фебруар 2021	Голосованя за найпопулярнішу фейсбукову фотографію русиньского села
18. фебруар 2021	Выголошіня результатів подля оцінки пороты

Контактны даны выголошователя:

Okruhly stôl Rusínov Slovenska (OSRS)



Jarkova 77
080 01 Prešov
00421 903 533 101
info@okruhly-stol.sk
<https://okruhly-stol.sk/>
<https://www.facebook.com/OkruhlyStolRusinovSlovenska/>

Схвалив: В Братіславі, 20. 05. 2020 р., Инж. Петро Штефаняк, ПгД., председа ОСРС